

ҲИНД-ОРИЙ ТИЛЛАРИДАГИ СОНЛАРНИНГ ШАКЛЛАНИШИДА ЭЛИЗИЯ ҲОДИСАСИ

Нурматов Сирожиддин Султанмуратович

филология фанлари номзоди, доцент

Тошкент давлат шарқшунослик университети

E-mail: sirojiddin2003@yahoo.com

АННОТАЦИЯ

Мазкур мақолада қадимги ҳинд-орий тилларидаги сонларнинг шаклланишида содир бўлган элизия ҳодисаси атрофлича ўрганилган. Янги ҳинд-орий тилларига хос бўлган ҳиндий тилидаги сонларнинг шаклланишида элизия ҳодисаси асосан қайси сонларга оид лексемалар таркибида содир бўлганлиги аниқланган. Шунингдек, сонларга хос баъзи лексемалар геменация ҳодиси натижасида шаклланганлиги ҳам тадқиқ этилган.

Калит сўзлар: элизия, геменация, лексема, сон сўз туркуми, саноқ сонлар, қисқа унли товушлар, чўзиқ унли товушлар, ундош товушлар, нафас ундош товушлари, церебрал товушлар.

АННОТАЦИЯ

В данной статье подробно исследуется феномен элизия, при образовании чисел в древних индоарийских языках. При формировании чисел в хинди характерном для новых индоарийских языков было определено, какое явление элизия происходило в основном в составе лексем принадлежащих к каким числам. Также было изучено, что некоторые числовые лексемы образуются в результате геменации.

Ключевые слова: элизия, геменация, лексема, имя числительное, количественные числительные, короткие гласные звуки, длинные гласные звуки, согласные звуки, придыхательные согласные звуки, церебральные звуки.

ABSTRACT

This article examines in detail the phenomenon of elisio in the formation of numbers in the ancient Indo-Aryan languages. During the formation of numbers in Hindi characteristic of the new Indo-Aryan languages, it was determined which phenomenon of elisio occurred mainly in the composition of lexemes belonging to which numbers. It has also been studied that some numeral lexemes are formed as a result of gemino.

Keywords: elisio, gemino, lexeme, numerals, cardinal numbers, short vowel sounds, long vowel sounds, consonants, aspirated consonants, cerebral sounds.

Ҳинд тилшунос олимларининг фикрича, ҳинд-орий тилларида сонларга хос лексемалар ўзига хос равишда ривожланган. Айниқса, ҳинд-орий тилларига хос бўлган ўнликларга оид сонларнинг ривожланиши ва уларнинг бошқа тиллардаги сонлардан фарқли равишда қўлланилиши ўзига хос хусусиятга эга [5, 585].

Таъкидлаш жоизки, ҳар қандай соҳа вакили кун давомида кўплаб рақам ва сонлардан фойдаланади. Сон ва рақамлардан фойдаланмасдан кўпгина ишларни уддалаш қийин. 9 та рақам ёрдамида ҳар қандай йирик сонлар айтилиши ва ёзилиши мумкин. Лекин, ҳиндий тилида сонларнинг ўзига хос равишда ривожланганлиги билан уларнинг ясалиш усуллари бошқа тиллардаги сонлардан катта фарқ қилади. Масалан, 42 рақами ёзилганида бундай ҳолларда бу ерда бутун дунё аҳли “қирқ икки” мураккаб санок сонига оид лексема назарда тутилаётганини тушинади. Ҳинд-орий тилларига хос бўлган ҳиндий тилида бунинг бер неча вариантларини учратишимиз мумкин. Ушбу сон адабий ҳиндий тилида बयालीस *baya:li:s* шаклида ифодаланади. Лекин, Ҳиндистонда ушбу сон बतालीस *bata:li:s*, दुचालिस *ducha:li:s* шаклида ҳам қўлланилади [4, 85]. Лекин, 42 деб ёзилганида буни ҳамма бирдек тушунади. Бирок, ушбу лексема турли хил вариантларда қўлланилади. Эҳтимол, рақамлар бўлмаганида сонларга хос лексемаларнинг ривожланишида ҳам катта ўзгаришлар содир бўлмасди. Демак, сонларга хос ушбу лексемалар орқали тилдаги ривожланиш тамойиллари ҳам маълум бўлади.

Ҳиндий тилидаги एक *ek* “бир” дан दस *das* “ўн” гача бўлган содда сонлар қаторида ўзгаришлар йўқ. Лекин, “ўн бир” санок сонидан бошлаб катта ўзгаришлар содир бўлган. ग्यारह *gya:rah* “ўн бир” санок сонини олайлик. Ушбу ўнликларга хос бўлган лексема таркибида “ўн” ва “бир” сонларини тўғридан-тўғри топиш қийин. Сонлар таркибида улар қанчалик ўзгариб кетганлиги яққол кўриниб турибди. बारह *baarah* “ўн икки”, तेरह *terah* “ўн уч” ва бошқа шу қаторидаги сонлар таркибида ҳам содда сонларни ажратиб олиш қийин. Санскрит тилидаги विंशति *vinshati* “йигирма” сонининг ҳиндий тилидаги बीस *bi:s* шаклини тушуниш мумкин. ऊन बीस *u:n bi:s* нинг उन्नीस *unni:s* шаклини умуман тушуниш ҳамда ушбу сон таркибида “тўққиз” сонини аниқлаш қийин. “Йигирмаликлар”га оид баъзи сонлар қаторида эса ईस *i:s* қўшилиб борилади.

Масалан, इक्कीस *ikki:s* “йигирма бир”, बाईस *bai:s* “йигирма икки” каби сонлар таркибида иштирок этаётган ईस *i:s* айнан बीस *bi:s*, яъни “йигирма” сони маъносини англатади. छब्बीस *chabbi:s* “йигирма олти” сони таркибида иштирок этаётган बीस *bi:s* шаклида बीस *bi:s*, яъни “йигирма” сонининг ўз шакли сақланган. Яъни, ушбу соннинг шакли ўзгармаган. Натижада ушбу лексема таркибидаги “йигирма” сонини англаш қийин эмас. “Ўттизликлар”га оид इक्तीस *ikti:s* “ўттиз бир” сонида “ўттиз” сони яққол ўз аксини топган. Санскрит тилидаги चत्वारिंशत् *chatvarinshat* “қирқ” сони ҳиндий тилида चालीस *cha:lis* шаклида ўз ифодасини топган. Лекин, қизиғи шундаки ऊनचालीस *u:ncha:li:s* шакли ўрнига उन्तालीस *unta:li:s* “ўттиз тўққиз” шакли қандай ҳосил бўлганлиги эътиборга молик. चालीस *cha:li:s* санок сони таркибидаги चा *cha:* ўрнига ता *ta:* қандай содир бўлганлигини ҳам ниҳоятда қизик. "चालीस" *cha:li:s*, "तालिस" *ta:lis*, "यालीस" *ya:li:s* шаклларида ҳам шундай ҳолатларни кузатишимиз мумкин. Натижада, “қирқ икки” сони बयालीस *baya:li:s* шаклида ўз ифодасини топганлигини қайд этиш даркор. Лекин, панжоб тилида “қирқ икки” сонини बयालीस *baya:li:s* деб айтишади. Санскритча पंचाशत् *pancha:shat* шаклидан पचास *pacha:s* шакли ҳосил бўлган [6, 237]. Лекин, ушбу соннинг эътиборга молик жиҳати шундаки, қоидага кўра “қирқ тўққиз” сони ऊनपचास *u:n pacha:s* шаклида қўлланилиши керак. Лекин, ऊनपचास *u:n pacha:s* шакли ўрнига उन्चास *uncha:s* шакли ҳосил бўлган. Яъни, ушбу лексемада "प" “р”товуши элизия ҳодисасига учраган.

“Элликлар”га оид қолган сонлар таркибида पचास *pacha:s* умуман ўз кўринишини йоқатади. Масалан, इक्यावन *ikyavan* “эллик бир”, बावन *ba:van* “эллик икки” санок сонлари таркибидаги “эллик” сонини англашиб келаётган वन *van* шакли पचास *pacha:s* шаклидан ясала олмайди. Санскрит тилидаги पंचाशत् *panchashat* шаклидан अन् *an* қолган. Қолган товушлар эса элизия ҳодисасига учраган. Демак, च *ch* товушидан олдин ञ् *n* товуши ўрнига न् *n*

товуши ҳосил бўлган ва натижада अन *an* шакли юзага келган. व *v* товуши кўшилиши нажасида वन *van* шакли ҳосил бўлган. Яъни, इक्यावन *ikyua:van* “эллик бир” сонидаги वन *van* шакли “эллик” сонини англлатмоқда.

Ҳиндий тилидаги तिरपन *tirpan* “эллик уч” сонида "प्" *p* товуши ҳосил бўлган. “Эллик тўрт” сонида эса яна वन *van* шакли кўлланилган, яъни चौवन *chauvan*. “Элликликлар”га хос бўлган қолган сонлар таркибида икки марта "पन" *pan* (पचपन *pachpan* “эллик беш”, छप्पन *chappan* “эллик олти”) ва икки марта "वन" *van* шакллари (सत्तावन *satta:van* “эллик етти”, अट्ठावन *atha:van* “эллик саккиз”) ўз ифодасини топган.

Қадимги ҳинд-орий тилларига хос бўлган санскрит тилида “олтмиш” сони षष्ठि *shashthi*, янги ҳинд-орий тилларига хос бўлган ҳиндий тилида साठ *saath* кўришида шаклланган [4, 86]. “Олтмишликлар”га оид сонлар таркибида ҳам турли ўзгаришлар содир бўлган. Масалан, उनसठ *unsath* “эллик тўққиз” сони юқоридаги сонларга ўхшаб бир кам олтмиш маъноси шаклида ҳосил бўлган. “Олтмишлик”лар қаторига оид бўлган सरसठ *sarsath* “олтмиш етти” сонида ҳам साठ *sa:th* “олтмиш” сонидаги чўзиқ आ *a*: товуши элизия ҳодисасига учраган ва натижада қисқа अ *a* унли товуши ҳосил бўлган. अड़सठ *arsath* “олтмиш саккиз” сони таркибидаги अठ *ath* шаклининг ўрнига अड़ шакли юзага келган. Яъни, ушбу лексема қаторидаги ठ *tha* товуши элизия ҳодисасига учраши сабабли унинг ўрнига ढ *r* церебрал товуши ҳосил бўлган.

Санскрит тилидаги सप्तति *saptati* “етмиш” сони ҳиндий тилида सत्तर *sattar* кўринишида шаклланган [5, 595]. “Етмишликлар”га оид бўлган бошқа сонлар таркибида स् *s* ундош товуши элизия ҳодисасига учраши натижасида ह *h* товуши ҳосил бўлган. Масалан, इकहत्तर *ikhattar* “етмиш бир”, बहत्तर *bahattar* “етмиш икки”, तिहत्तर *tihattar* “етмиш уч”, चौहत्तर *chauhattar* “етмиш тўрт”, पचहत्तर *pachhattar* “етмиш беш”, छिहत्तर *chhihattar* “етмиш олти”, सतहत्तर *sathattar* “етмиш етти”, अठहत्तर *athhattar* “етмиш саккиз”.

Қадимги ҳинд-орий тилларига хос бўлган санскрит тилидаги अशीति *ashi:ti* “саксон” сонидан ҳиндий тилида अस्सी *assi:* шакли ҳосил бўлган [6, 238]. “Саксонликлар”га оид бўлган сонлар таркибида अस्सी *assi:* шакли сақланган. Фақат, қисча अस्सी *assi:* шаклидаги қисқа अ *a* товуши элизия ҳодисасига учраганлиги сабабли у чўзиқ आ *a:* товушига ўзгарган ва натижада अस्सी *assi:* шакли ўрнига आस्सी *a:ssi:* шакли саксон маъноси ўрнида шаклланган. Жумладан: इक्यासी *ikyā:si:* “саксон бир”, बयासी *bayā:si:* “саксон икки”, तिरासी *tira:si:* “саксон уч”, चौरासी *chaura:si:* “саксон тўрт”, पचासी *pachā:si:* “саксон беш” ва ҳоказо.

Санскритча नवति *navati* “тўқсон” сонидан नव्वे *navve* шаклининг ҳосил бўлишида ҳам элизия ҳодисаси юз берган. नवति *navati* шаклидаги इ *i* қисқа унли товуши ҳам, त *t* ундош товуши ҳам йўқолган. Фақатгина न *n* ва व *v* товушлари сақланган. नवति *navati* шаклидаги व *v* товуши янги ҳинд-орий тилларидаги ҳиндий тилига келиб лигатура шаклида ўз ифодасини топган. अ *a* ва ई *i:* товушлари қўшилиб ए *e* унли товуши ҳосил бўлган. नव्वे *navve* лексемасида व *v* товушининг икки марта қайтарилиши натижасида геминация ҳодисаси ҳам юз берган. “Тўқсонликлар” қаторига оид бошқа сонлар шаклланишида नव्वे *navve* шаклидаги геманация ҳодисаси натижасида ҳосил бўлган व्व *vv*, яъни лигатура шаклидаги иккита व्व *vv* товушлари яна элизия ҳодисасига учраган ва натижада битта व *v* товуши ҳосил бўлган. Масалан, इक्यानवे *ikyā:nve* “тўқсон бир”, बानवे *ba:nve* “тўқсон икки”, तिरानवे *tira:nve* “тўқсон уч”, चौरानवे *chaura:nve* “тўқсон тўрт”, पचानवे *pachā:nve* “тўқсон беш”, छियानवे *chhiya:nve* “тўқсон олти” ва ҳоказо.

Юқорида олиб борилган таҳлил натижаларга кўра қуйидаги хулосаларга келинди:

1. Янги ҳинд-орий тилларига хос ҳиндий тилидаги “бир” дан “юз” гача бўлган санок сонлар лингвистик жихатдан ўрганилиши натижасида уларнинг

шаклланишида аксарият сонларга оид лексемалар таркибида элизия ҳодисаси содир бўлганлиги аниқланди.

2. Санскрит тилидан то ҳиндий тилигача бўлган давр мобайнида сонлар таркибида турли фонетик ўзгаришлар юз берган. Хусусан, “ўттизликлар”, “қирқликлар”, “элликликлар”, “олтмишликлар” ва “етмишликлар”га оид бўлган сонлар таркиби ҳам унли, ҳам ундош товушларнинг элизия ҳодисасига учраши натижасида шаклланганлиги маълум бўлди.

3. Ҳозирги адабий ҳиндий тилидаги “саксонликлар”га оид лексемаларнинг таркибида қолган ўнликларга оид сонларнинг шаклланишидан фаркли ўлароқ элизия ҳодисаси нисбатан кам содир бўлган. Ҳиндий тилидаги “тўқсонликлар”га оид сонларнинг шаклланишида нафақат элизия ҳодисаси, балки унинг таркибидаги баъзи лексемалар геменация ҳодисаси натижасида шаклланганлиги ҳам аниқланди.

4. Шуни алоҳида таъкидлаш жоизки, элизия ҳодисаси бошқа сон турларига оид лексемаларга нисбатан асосан санок сонларнинг шаклланишида кўп содир бўлганлиги, натижада, санок сонлар қадимги ҳинд-орий тилларидан то янги ҳинд орий тиллари давригача бўлган давр мобайнида кўплаб фонетик ўзгаришлар асосида шаклланиб ривожланганлиги кузатувлар асосида маълум бўлди.

REFERENCES

1. Кочергина В.А. Санскрит. –М.: Академической Проект, 2007.
2. Липеровский В.П. Именные части речи языка хинди. -М.: Наука, 1978.
3. Шоматов О.Н. Жанубий Осиё тилларига кириш (1-қисм). –Т.: ТошДШИ, 2003.
4. किशोरीदास वाजपेयी – भारतीय भाषाविज्ञान (भारतीय भाषाओं का विश्लेषण और वर्गीकरण)। -वाराणसी, 1959.
5. भोलानाथ तिवारी - हिन्दी भाषा। -इलाहाबाद, 1972.
6. हरदेव बहरी। भाषा का विकास। -दिल्ली, 1992.